



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2634/10  
Sarajevo, 5.10.2010. godine

05-50-1

05-10-224

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 05-10-2010			
Organizaciona jedinica	Klasifikaciona oznaka	Redni broj	Broj priloga
01-	50-1-15-	82/10	

**PARLAMENTARNA SKUPŠTINA BiH**

*- Zastupnički dom -*


**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 134. sjednici održanoj 5.10.2010. godine, utvrdilo je Odgovor na zastupnička pitanja koja je postavila gđa. Nermina Zaimović-Uzunović, zastupnica u Zastupničkom domu Parlamentarne skupštine Bosne i Hercegovine.

U pritvku dostavljamo Odgovor uz molbu da isti uručite zastupnici.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-2634/10  
Sarajevo, 5.10.2010. godine

Gospođa Nermina Zaimović-Uzunović, poslanik u Predstavničkom domu Parlamentarne skupštine Bosne i Hercegovine, na 82. sjednici Predstavničkog doma, održanoj 28. 7. 2010. godine, postavila je Ministarstvu za ljudska prava i izbjeglice BiH poslaničko pitanje sljedeće sadržine:

1. „Kako je došlo do konačne odluke da se umjesto Udruženju poljoprivrednika „Zdrava hrana“ sredstva dodijele pojedincu?
2. Zašto nikad niko nije uputio zvanično obavještenje i ujedno obrazloženje ove nepravedne i diskriminirajuće odluke?
3. Da li će povučena sredstva u visini od 15000 KM ostati zaleđena, tj. neiskorištena iako su prvobitno bila dodijeljena Udruženju „Zdrava hrana“ ?

Na postavljeno poslaničko pitanje, Savjeta ministara Bosne i Hercegovine, u smislu člana 37. Zakona o Savjetu ministara Bosne i Hercegovine (‘‘Službeni glasnik BiH’’, broj 30/03, 42/03 i 81/06), na 134. sjednici održanoj 5. 10. 2010. godine, utvrdilo je sljedeći:

**O D G O V O R**

1. Odlukom o rasporedu sredstava za interventne potrebe povratnika u BiH za 2009.godinu, K-16-128-5006/09 od 23.9.2009. godine, Komisija za izbjeglice i raseljena lica BiH je gosp. Salihu Makiću odobrila pomoć u iznosu od 15.000,00 KM na ime održivosti povratka.

Budući da je Ministarstvo za ljudska prava i izbjeglice BiH zaprimilo podnesak kojim su indicirane nepravilnosti u odabiru korisnika u ovom slučaju, u skladu sa zaključcima Komisije za izbjeglice i raseljena lica BiH sa 17. i 18. sjednice i čl. III Odluke K-02-50-7341-17-146/09 od 11.1.2010. godine, čijim stupanjem na snagu je prestala da važi odluka K-16-128-5006/09 od 23.9.2009. godine – implementacija pomoći je obustavljena, dok imenovana Komisija za provjere po zaprimljenim prigovorima na Odluke Komisije za izbjeglice i raseljena lica ne izvrši provjere na terenu i uvid u dokumentaciju o ispunjavanju propisanih uslova za dodjelu pomoći.

Komisija za provjere po zaprimljenim prigovorima na Odluke Komisije za izbjeglice i raseljena lica BiH, imenovana Odlukom ministra za ljudska prava i izbjeglice BiH, broj: 01-20-56/10 od 6. 4. 2010. godine, izvršila je provjeru obilaskom terena dana 20. 5. 2010. godine s ciljem utvrđivanja činjenjeničnog stanja, i u odnosu na zaprimljeni podnesak gospodina Husrefa Bradarića, predsjednika Udruženja poljoprivrednika „Zdrava hrana“, Liskovac, u izvještaju broj: 01-50-472-56-8/10/DB od 16. 6. 2010. godine konstatovala sljedeće:

Udruženje poljoprivrednika „Zdrava hrana“, Liskovac, Gradiška, 2. 3. 2009. godine, dostavilo je Ministarstvu za ljudska prava i izbjeglice BiH, projekat pod nazivom: „**Razvoj poljoprivrede u zonama povratka kroz stvaranje uslova za proizvodnju organske - zdrave hrane**“. Donatori u ovom projektu su: MIRL, FMROI, Ministarstvo poljoprivrede, šumarstva i vodoprivrede RS, opština Gradiška, a djelomično, projekat sufinansiraju članovi Udruženja.

U okviru projekta, iskazane su potrebe za nabavkom paker mašine za preradu i pakovanje ljekovitog bilja procijenjenoj vrijednosti od oko 20.000KM, na što se odnosi predmetni zahtjev Udruženja.

Međutim, *Pravilnikom o procedurama odabira korisnika interventne pomoći namijenjene za hitno trješavanje održivog povratka raseljenih lica, povratnika i izbjeglica iz BiH*, za slučajeve dodjele pomoći pravnim licima, propisano je prethodno objavljivanje javnog poziva, te Udruženje kao takvo, nije ispunjavalo uslove za dodjelu pomoći iz Pravilnika.

S obzirom na to da je gosp. Makić Salih bio upoznat sa ovim okolnostima, dana 17.9.2009. godine, obratio se sa posebnim zahtjevom za odobrenje sredstava od 15.000,00KM za nabavku mašine za pakovanje ljekovitog bilja. U zahtjevu je naveo da je povratnik i da mu je ova mašina potrebna kako bi izdržavao svoju porodicu, a nije naveo da je, zajedno sa još 5 suosnivača, član Udruženja „Zdrava hrana“, niti je zahtjev potkrijepljen bilo kakvom dodatnom dokumentacijom.

Članovi Komisije su se na licu mjesta uvjerali da je Udruženje donacijama sagradilo namjenske objekte pogodne za obavljanje poslovnih aktivnosti za preradu ljekovitog bilja, i da bi nabavkom mašine za preradu i pakovanje ljekovitog bilja, mogli preraditi postojeće, nagomilane zalihe (oko 2 tone suve kamilice), čijom prodajom bi povratili uložena sredstva i krenuli sa daljom proizvodnjom. U suprotnom, nastale bi materijalne štete za kooperante, jer je neprerađena kamilica i drugo ljekovito bilje, mnogostruko jeftinije na tržištu. Ujedno, donirana sredstva za sufinansiranje nabavke mašine, morali bi vratiti Ministarstvu poljoprivrede, šumarstva i vodoprivrede RS, jer su ista namjenski dodijeljena kao participacija za nabavku mašine.

S druge strane, činjenica je da zahtjevu gđina Makića nedostaje dokumentacija kojom bi se mogla potvrditi opravdanost dodjele pomoći i kao takav, ne ispunjava Pravilnikom propisane uslove, te je s tim u vezi, predloženo da Komisija za izbjeglice i raseljena lica BiH, uvažavajući navedene okolnosti, donese konačan stav u pogledu suspendovane pomoći u iznosu od 15.000 KM.

Ovaj izvještaj koji, zajedno sa ostalim u predmetu Odluke o rasporedu sredstava za interventne potrebe povratnika u BiH za 2009. godinu i formulisanim prijedlozima, čini sastavni dio Informacije upućene Komisiji za izbjeglice i raseljena lica BiH, ista je razmatrala na svojoj 21. sjednici održanoj 5. 7. 2010. godine, i usvojila **zaključak**:

- Prihvata se Informacija Komisije za provjere po zaprimljenim prigovorima na Odluku o raspodjeli sredstava za interventne potrebe povratnika u BiH za 2009. godinu, na osnovu koje će se izvršiti izmjena Odluke o raspodjeli sredstava za interventne potrebe povratnika u BiH za 2009. godinu.

**U odnosu na konkretan slučaj, članom 2. Odluke o izmjeni Odluke o rasporedu sredstava za interventne potrebe povratnika za 2009. godinu broj: K-21-02-50-4103-5/10 od 5. 7. 2010. godine, izmijenjena je Lista korisnika interventne pomoći Komisije za izbjeglice i raseljena lica Bosne i Hercegovine, na način da pod. rb. 144., opština Gradiška, korisnik pomoći Makić Salih, Liskovac, pomoć u održivosti, u iznosu od 15.000 KM, briše se.**

2. Iz svega iznesenog, očigledno je da se ne radi ni o kojem vidu diskriminacije prema Udruženju „Zdrava hrana“, već je riječ o zakonitom postupanju, dosljednoj primjeni gore citiranog Pravilnika i odluka Komisije, koje su transparentne i javne.

3. Predmetna sredstva u iznosu od 15.000,00 KM neće ostati neutrošena, već će biti implementirana na prioritete u skladu sa odlukom državne Komisije za izbjeglice i raseljena lica.